

Headline	FRIM Mara bantu usahawan herba		
MediaTitle	Utusan Malaysia		
Date	09 Feb 2017	Color	Full Color
Section	Mega	Circulation	171,663
Page No	23	Readership	563,000
Language	Malay	ArticleSize	855 cm <sup>2</sup>
Journalist	dengan produk yang berkualiti dan	AdValue	RM 17,054
Frequency	Daily	PR Value	RM 51,162



# FRIM-Mara bantu usahawan herba

**M**ALAYSIA terkenal sebagai negara hutan hujan yang kaya dengan tumbuhan-tumbuhan yang dikatakan mempunyai pelbagai nilai ubatan. Namun begitu masih banyak tumbuh-tumbuhan yang belum diteroka dari segi potensi ubatan dan nilai komersialnya.

Sebagai inisiatif, Institut Penyelidikan Perhutanan Malaysia (FRIM) telah melaksanakan usaha berterusan menyahut seruan kerajaan untuk menjalankan penyelidikan dan menyediakan kepakaran serta fasiliti dalam mengenal pasti potensi ubatan tumbuh-tumbuhan khususnya herba, sekali gus mengkomersialkan bahan mentah bernilai tinggi itu.

Seminar Tumbuhan Ubatan dan Beraroma Ke-14 yang

dianjurkan FRIM baru-baru ini merupakan salah satu platform bagi saintis, pengusaha dan pihak industri serta peserta untuk berkongsi maklumat terkini dalam bidang hasilan semula jadi.

Bekerjasama dengan Bahagian Pembangunan Usahawan (BPU), Majlis Amanah Rakyat (Mara), Program Teknousahawan FRIM-Mara meruparkan usaha sama bagi membantui industri herba meningkatkan mutu produk yang dihasilkan usahawan tempatan.

Menerusi pengajuran seminar berkenaan, usahawan-usahawan bawah Program Teknousahawan FRIM-Mara turut mengambil peluang untuk mengkomersialkan produk-produk mereka selain menjadikan contoh dalam melahirkan lebih ramai usahawan herba

dengan produk yang berkualiti dan memenuhi piawaian yang ditetapkan.

Salah sebuah syarikat usahawan bawah program itu yang dikenali sebagai antara syarikat pengusaha produk herba sejak tahun 1972, Syarikat Zulkifli Bamadaj dengan rangkaian jenama Petani optimis menghasilkan inovasi minuman berasaskan herba dan yakini produk berkenaan mendapat tempat di hati rakyat Malaysia.

"Pihak kami gembira selepas sambutan pelanggan selepas beberapa produk minuman jenama Petani mendapat tempat misalnya seperti produk Sarbat Tea, sejenis minuman teh dengan campuran halia."

"Selain itu, pihak kami sedang menjalankan penyelidikan untuk mengeluarkan beberapa rangkaian minuman berasaskan herba seperti buah delima," jelas Pengarah Urusan Syarikat Zulkifli Bamadaj Sdn. Bhd., **Suhana Mislan**.

Syarikat yang diteraju Bumiputera ini sedang meneroka potensi lain untuk mengembangkan bidang minuman berdasarkan herba

apabila cabang ini diteroka sejak lebih sembilan tahun lalu.

Sebanyak lebih 40 produk telah dikeluarkan untuk memenuhi permintaan pengguna.

Walaupun sudah lebih 30 tahun berada dalam pasaran, Salina akui pelbagai cabaran dihadapi ramai pengusaha produk berasaskan herba untuk kekal relevan di pasaran.

Selain perlu bersaing dengan lamaran produk farmaseutikal antarabangsa, polisi Kementerian Kesihatan yang agak tegas pada peringkat promosi mengehadkan pengusaha barangan herba untuk menjenamakan produk mereka.

"Terdapat garis panduan yang telah ditetapkan terutama perkara yang melibatkan keberkesanan produk-produk yang berasaskan herba. Sungguhpun begitu, terdapat agensi kerajaan seperti Majlis Amanah Rakyat (Mara) turut sama membantu memberi bimbingan seperti syarikat kami yang bernama bahwas program Skim Usahawan Mara," ujarnya lanjut.

Sementara itu, Pengarah BPU Mara, **Rohayah Mohd. Zain** berkata, kerjasama dengan FRIM dapat memastikan usahawan



IR HAMIM SAMURI (dua dari kiri) dan Dr Abdul Latif Mohmod (kiri) tertarik dengan hasilan berasaskan herba pada Seminar Tumbuhan dan Ubatan dan Beraroma di Kampus FRIM, Kepong baru-baru ini.

untuk membangunkan produk mereka dari pelbagai segi seperti pensijilan, kandungan produk, formula dan sebagainya.

"Bersempena majlis perasmian ini, produk-produk dan prototaip yang terhasil telah dilancarkan dan sijil turut diberikan kepada syarikat-syarikat yang berjaya."

"Menerusi program ini, diharapkan akan dapat melahirkan lebih ramai usahawan herba dengan produk yang lebih berkualiti dan seterusnya berjaya menembusi pasaran global," katanya.



IR. HAMIM SAMURI (kanan) dan Dr. Abdul Latif Mohmod menunjukkan buku 'Gunung Ledang Malaysia' selepas pelancarannya sempena Seminar Tumbuhan dan Ubatan dan Beraroma di Kepong baru-baru ini.



IR. HAMIM SAMURI (tengah) dan Dr. Abdul Latif Mohmod bergambar bersama penerima sijil Produk Program Teknousahawan FRIM-Mara.